

- 1^r Eyn glock on klüpfel / gibt nit thon
- 2^r Ob dar jnn hangt eyn fuchßschwantz schon
- 3^r Dar vmb loß red für oren gan

Kap. 41



Nit achten vff all red

- 1 Wer by der welt vß kumen wil
- 2 Der muß yetz lyden kumbers vil
- 3 Vnd sehen vil / vor syner tür
- 4 Vnd hören / das er gern entbür

5 Dar vmb jnn grossem lob die ston
 6 Die sich der welt hant ab gethon
 7 Vnd synd durch gangen berg vnd tal
 8 Das sie die welt nit brächt zů fal
 9 Vnd sie villicht verschuldten sich
 10 Doch loßt die welt sie nit on stich
 11 Wie wol sie nit verdienen kan
 12 Das sie solch lüt sol by jr han
 13 Wer recht zů tůn den willen hett
 14 Der acht nit / was eyn yeder redt
 15 Sunder blib vff sym fürnem stiff
 16 Ker sich nit an der narren pfiff
 17 Hetten propheten vnd wissagen
 18 Sich an noch red by jren tagen
 19 Kert / vnd die wyßheyte nit geseit
 20 Es wer jn yetz langst worden leit
 21 Es lebt vff erden gantz keyn man
 22 Der recht tůn yedem narren kan
 23 Wer yeder man kůnd dienen recht
 24 Der müst syn gar eyn gůter knecht
 25 Vnd frůg vor tag dar zů vff ston
 26 Vnd selkten wider schloffen gon
 27 Der muß mál han / vil me dann vil
 28 Wer yedems mul verstopffen wil
 29 Dann es stat nit jn vnserm gwalt
 30 Was yeder narr red / klaff / *od kalt*
 31 Die welt muß triben das sie kan
 32 Sie hatß vor manchem me getan
 33 Eyn gouch singt guckguck dick vnd lang
 34 Wie yeder vogel syn gesang

30 od kalt] okalt GW5041 o kalt GW5046 GW5047